

Estd

Z.B.Y.F. TAANGKO

(An Organ of the Zomi Baptist Youth Fellowship)

1997

LOM - X1 : HAWM 1V v MONTHLY BULLETIN v April 2010



From :-
ZBC Office,
Bethel Vang,
Champhai - 796 321
Mizoram, INDIA

To

A Sung Thute	Laimai
<i>Zomi Khangnote leh Tuhun</i>	1
-Tg. Sawm Lian	
<i>Angmasial Gam</i>	4
-Tg. Lalno	
<i>ZBC Gamsung Phakna</i>	5
-Pa JK Cinpu	
<i>Deih Teel in</i>	6
<i>Sesih BYF Report</i>	6
-Secretary BYF, Sesih	
<i>Man Lian Niang in B.A. (Hindi) zo</i>	6
<i>Tan 10 zote kilungdampih</i>	7
<i>TBC in ZBC hong pha</i>	7
<i>Kuaten bang gen?</i>	8
<i>ZBWS in Annkuang lei</i>	8
<i>Music Festival leh Sports CD lei theih</i>	8

EDITORIAL BOARD

Editor :

Awi Ngaih Lun

Joint Editors :

K.Lang Kap

Z.L.Thang

News Editors :

Rev. Cin Khan Tuang

Sia Kham Suan Pau

Cir. Manager :

Mamuang

Tech. Assistant :

Tin Sawm Lian

ZBYF MAKAITE

(2008 - 2010)

President :

K.Lang Kap

Vice President :

Kham Suan Pau

Secretary :

Awi Ngaih Lun

Recording Secretary :

Z.L.Thang

Asst. Rec.Secretary :

Thang Lian Mung

Ex-Officio Member :

Rev.Suan Khan Thang

Committee Member te :

1. *Nang Sian Mung*

2. *Kap Go Thang*

3. *Thawng Za Muan*

4. *Khup Khan Pau Ex-Hav*

5. *Tg. N.K.Hau*

Taangko kum 1 tatman Rs.30/-

Editorial..

Imihing nuntakna ah sum pen akisam khat hi. A khongin bangmah kingah thei lo ahih manin sum tawh lei zel kul hi. A zun na mahmah a, deih khop om thei lo, deih zah kingah theilo ahihna pen a lamdang mahmah khat hi.

A sak a khangah sum zongin kivak ciat a, hak gige peuh kikhem kul in, a khonga ne lal nuam lah bei lo teng tawh, a loh a nuntak theih loh, haksatna leh lunggimna zong tampi tun thei in i nuntakna adingin kisam ahih manin khua ul sakai liang mahin zon hong kisam hi.

I Pasion thu in ‘sum deihluatna tawh na kipelh un’ (Heb.13:5) ci hi. Sum pen deih ding hi a, ahih hangin Pasionin sum deih luatna tawh ikipelh ding deih hi. Sum deihluatna in siatna nam tuamtuum duhhop, huaiham, tualthahna dongin tun thei ahih manin hibang lakah ikikep kisam hi. Sum deih luatna pen milim biakna zah in sia hi. I gennop pipen in Pasion sangin sum i tunnun sak khak ding dah huai hi. Sum a uk, thupha hong pia Pasion liansak in, Ama hong thupha piak ciangah lungkim thei mi hih sawm ni.

Thu tuamtuum

Poland President mual liam

April 9, 2010 in Poland President, Lech Kaczynsky vanleng tawh tat khialhna hangin si hi. A tuanna vanleng ah mi 97 tuang a, a vek un si hi. Moscow pan leng khia in Smolensk kiangah a tuanna vanleng a kha in mei sahpi hangin singkung a phul khak hangin tuahsiatna lianpi tuak hi. President luang pen Poland khuapi Warsaw ah kipua hi. Poland Acting President Bronislaw Komorowski in nipi kal khat sung President dahna hun neih ding thu pulak hi.

Dr. Manmohan Singh US ah

Nuclear summit tawh kisai in India Prime Minister Dr. Manmohan Singh US ah pai hi. US President Barack Obama tawh Blair House ah holimna minute 45 sung nei thei hi. Hilai ah Mumbai a dik lo taka gamtangte tungtang gen uh hi.

China in Tibet ah Airport bawl

China kumpi in Tibet gamah Mount Everest kiangah civil airport bawl hi. A min dingin ‘Peace Airport’ phuak a, October kha ciangin zawh sawm.

Liverpool keeper Reina kip

Liverpool Spanish goalkeeper

Pepe Reina in Anfield kum guk sunga dingin contract a thak in gelh a, 2016 tan Liverpool player hi ding hi. Kum 27 a upa Reina in 2005 in Villarreal panin Liverpool zom a, Liverpool adingin game 250 kimawl ta hi.

Wozniacki champion

WTA world number two Caroline Wozniacki in Olga Gavortsova zo in MPS Group Championship-ah champion hihna lukhu khu hi. WTA ah sagih vei a champion na hi a, Wozniacki pen tuhun a kimawl siam minthang khat ahi hi.

World Cup ah kimawl sawm lo

Sachin Tendulkar pen Twenty 20 World Cup ah kihel dingin nakpi in nawt uh a, ahih hangin Sachin kimawl sawm lo hi. Tulai in IPL leh One Day Cricket kimawl na ah siam mahmah a, World Cup ah kimawl leh cih a deih tam mahmah hi. Ahih hangin Twenty 20 World Cup ah kimawl sawm nawn lo in naupang zawte adingin mun ot sawm zaw hi.

Nau piang leh misi zah

2009 Mizoram sunga nau piang zah 29,174 hi a, misi zah 6,001 ahi hi. Misi sangin nau piang 23,173 in tam zaw ci.

ZOMI KHANGNOTE LEH TUHUN

-Tg. Tin Sawm Lian, Champhai

Minam liante khapi tungah kahin, ten a sawm laitakun, ei Zomi naupangte kimawlna ah, “Khapi aw, hong kia, hong kia” cici lai mawk i hih ciangin, tua pen kimawlna hi mah leh, i lungsim puakzia khat hong dawksak hi. Tua ahieh manin, hih leitung thu luanzia, pilna, theihna, neihna, gimnate nakpi tak a khanna kawmkal ah i om manin tuate ahieh thei, leh a nei thei dingin i lungsim puakzia khat i laih kisam a, tua bang lungsim i neih ciangin naupangte in zong ‘khapi aw, hong kia, hong kia’ cici nawn lo dingin ka lamem hi. Hih leitung pilna, siamna, neihna, hatna kidemna lakah om i hih manin, mite lakah a hat pen, a siam pen i hi zo kei zongin, a siam lo pen, a hat lo pen i hih loh ding thupi hi.

Tu hun leitung pen ; *Computer Age, Space Age, Cibercentric Age, Knowladge Age etc.* cih bangin a tuamtuamin kigen hi. Hih a kigena sungah bang hun bang hun ahi zongin, khantoh nadinga a kisam pen, hih bang hun hong pian theihna pen khangnote ahi hi. Khangno i cih in kua teng huam ding? Hih dotna pen i dawndan kibang het lo ding hi. Kei dawna panin khangno i cihte pen ; Henry Ford gen dan zulzuiin, “Kum lam hi loin, a kisin nuam mi, a lungsim a naupangsakte,” ahi hi. Amah (Ford) in, “*Any one who stops learning is old whether at twenty or eighty. Any one who keeps learning stays young. The greatest thing in life is to keep your mind young*”, na ci hi. Tua hi a, ‘khangno i cihte pen a kisin nuam, a theibeh nuamte hi’ cih pen ka san dan hi pah hi.

Kum 1980s panin *Globalization* cih kammal hong gingkhia a, tua pen, ‘*leitung khuata khat bang lela a omna*’ ci leng kikhial lo ding hi. Hih

ahang pen leitungah *Information Technology* nakpi taka a khanna hang ahi hi. Kum 1980 malam khawngin gamdang paite a si ding, a kimu nawn lo ding danin kituat hi. Himah leh, leitung pilna siamnate hong khangin, a diakin *Information Technology* ah pilna hong khang ciangin nidang a gamdanga omte lai i kikhak ciang kha 3/4 khawng a bei pen, tu in Internet tungtawngin email tawh khak leng minute khat zong sawt nawn lo in ngah pah thei ta hi. Pilna, siamna, theihna hong khangto taktak ciangin, leitung pen khuata khat bang hi lel a, a khangto gamte neu tektek hi. Tua banga a khantoh nadingin mi tampi in ihmu lo leh, ngaihsutna tampi zang uh a, pil nuam leh theihbeh nuamin na naksep mahmah uh hi.

Jesu pianzawh kum tul khat zakua sawm kua leh kua kiim, tan 6/7 ka sim laiin, leitungah *computer, mobile phone, internet etc.* a om lam ka tam theih kei hi. T.V om cih bel kithei a, sawt loin kimu pah bilbel hi. Kum 2001 ciangin

tan 8 sin nading ka khua vuah om lo ahih manin Champhai ah ka pai a, tua panin computer bang ka mu pan hi. Ka ngaihsut kik ciang, tua hun lai leh tu hun kikal a leitung khantoh dan : pilna, siamna, theihna a khan dan, Champhai ka om cil a mobile phone om hi cih zong ka theih loh pen, tu in mi kiho theihna bek zong deih lo, la ngaih theihna, man lak theihna, email khak theihna cih bang kideih sawnsawn lai hi.

Keima tangthu hong kipholak khia nuam ka hi kei a, leitung khantohzia ka gen nopna ahi hi. Hih kum 10 sung a leitung kilamdanzia ka ngaihsut ciangin, tu zawh kum 10 ciangin leitung bangci bangin hong om ding a, bangci bangin tua khantohna nawk ding cih ka ngaihsut ciangin khatveivei ka lungkham hun bang om zel hi. Tu a kum 25 nuai lamte bang a tamzaw keimah bang a, kum 2000 malama computer vai a tam theih mel lo tampi a om ding ka lamena, ahi zongin tu in a thei bek hi lo, a nei, a siam zong tampi tak mah om ding hi.

Leitung khantohna nasia mahmah a, i gensa mah bangin leitung pen khuata khat mah bangta hi. A khangto gamte neu semsem hi. Gentehna in, Laitai leh Taangko te pen Mizogam pan kikhen hi napi gamdanga om Zomiten na sim masa zaw zel uh hi. Ahangin, lai khensak dinga laikhetna ah i puak theih ciangin, internet tungtawnin kikhakkhia ziau a, tua minute mahin gamdanga omte in na sim ziau thei uh hi. Tua hi a, gam danga omte in a sim khit

zawh kal 2/3 bang ciangin, a sim baih pawlin zong kisin pan zel hi. Ka gennop bang hiam cih leh, tuate ahang pen leitung khantohna hang ahi hi.

Leitung khantohna pen nak khan (rapid develop) mahmah a, tu hun ciangin mobile sunga koih ding Lai Siangtho zong Zomiten kinei ta hi. Khual i zin ciang a van a giksak mahmah Lai Siangtho leh Labu i puak zelte pen sawt loin, puak kul nawn loin, eima mobile pan ki-en ziauziau lel ding hi.

Kumpi ten zong leitung khantohna tawh kizuiin tulai Information Technology te a manpha a zat ding hong ngaihsun ta uh hi. India kumpi in tua dingin programme lianpi khat bawl a, '*National e-Governance Plant*' (NeGP) ci hi. Tua tungtawnin mipi te'n man tawmcik liauin kumpi pan information lakhia thei ding uh a, mipite phattuum nading nasep (*service*) ahi hi. Tua bangin, cidamna lam (*e-health*), laisimna lam (*e-education*) etc. cih bangin gam khangto ten na nei uh hi. Tulai ciang mi'n sang a kah nop leh sang hoihna, scholarship leh huhna tuamtuam omnate internet tungtawnin zong ziahziah ta uh hi.

Hih bang khantohna kawmkalah Zomi khangnote zong kisin a, theih i sawm a, siam i sawm kisan hi. I ut a, i ut kei zongin, hih pilna siamna, theihna, neihnate in hong nawk veve ding hi. Minamdang te'n pilna siamna zongin, a pil pen, a siam pen hih sawma a kalsuan laiun, i tut maimai leh, sawt loin tua te'n

hong nengcip ding a, i thawh zawh nawn loh hun hong tun ding lauhuai hi. Nu leh pa neihsa teng tawh nuamsa-in, eimah a dinkhiat i sawm kei leh, i nu leh pa, i muan i suante hong bei leh bang lawh mawk ding? Nu leh pate in hong dampih lai ahieh leh zong, amaute hong pahtah

theih lain hanciamin, i mimal, i pawlpi, i minam leh i gam adinga suan leh muan tak hi thei dingin kisin kisas hi. I lungsim sangsakin, ‘mite hih theih bang hih thei hi ing’ cih lungtang tawh tulai leitung khantohna tawh kituaka i sep ding deih huai hi.

Tui dawn tam in damna

Tui dawn tam hangin a dam theite :- Lu na, pumpi cisa na, lung lam natna, guh kituah natna, lungphu hat, thau luatna, awmna, T.B., khuak natna, kal leh zun lampi natna, mit lam natna, cancer, nin neih man lo, luak, gilpi na, sung pai, taina, zunkhum, gilpuak dam thei hi.

Tui dawn dan ding : Zing thawh hanot ma in hai 4 beek dawn ding hi a, hanot khit ciangin minute 45 sung tui leh na dang bangmah nek loh ding. Tui a tam thei bang pen nisimin dawn zel leng hih a tunga natna kigente damsak thei, ci in misiamte in gen hi.

T H U T U A M

Tamdil ah Ukeng nam khat mu khia
Leitung mun danga om ngei nai lo Ukeng nam khat (new species) pen Mizoram Tam Dil ah kimu khia hi. Hi pen leitungbup huapa hibang lam tangthu gelhna, ‘Zootaxa’ in March 23, 2010 in leitung theih dingin pulak khia hi. Ukeng nam khat kimu khia min dingin Tam Dil dap sak in ‘Leptolalax Tamdil’ phuak hi.

a, pilna lamah ahieh leh samvomte pil zaw ci hi. Tua banah samsante in pasalte mit ah etlawm zaw hih tuak hi.

Samvom sangin samsan kampha thei zaw ci

Queensland University in a sin tohna uh ah numei samvom sangin samsante kampha thei zaw ci hi. Numei 13000/- a sinna uh panin numei samsante pasalte, samvom pasal a neite sangin hausa zaw uh a, 6 % in a khasum uh tam zaw a, tua banah numei samsante in tam lawh zaw ci uh hi. Dr. David Johnston in, “Sam sante in mi zo zaw uh hih tuak danin gen

China ah zinling

April 14 zing in China mal lam Qinghai province ah mangnitude 7.1 a hat in zin ling a, mi 617 val si in, mi 10,000 liam hi. Zinling in inn tampi siasak a, temple, gas station, electric khuamte susia a, lampi te sia sak hi.

Womens’ Reservation Bill

Womens Reservation Bill pen March 9 in Rajya Sabha ah gen khawm in pass uh hi. Lok Sabha ah zong hih bill gen sawm uh hi. Numeite a dinga seat 33% koih sak ding tawh kisai in BJP party in hoih a sak lai takin party dang pawlkhat in sang zo nai lo hi. A hangin Muslim numei leh nam nuainungte adingin quota tuam koih ding a deih man uh ahi hi.

ANGMASIAL GAM

-Tg. Lalno, Vapar

Ni dang lai in pi leh puten sa a mat ciang un, angmasial het lo in ai khawm, ningzu-aisa dawn khawmin; ne khawm uh hi. Tulai in ahieh leh hici bang saman khat om ta leh zong a guk in insak in khang theih man ding lau in hamphatna ding teng zuak khit pahpah sawm zaw ta hi.

Tulai in i omna khua leh gam khat veivei ka ngaihsut ciang ki angmasialna lian mahmah a, tua in i gam i khua zawngkhal sak in ka thei hi. Sum leh pai thu ah, muh nang khat om leh a hamphatpih dingte theihma in kua hiam khat gilsung sakhau ah a gukin lut zel hi.

Fund khat peuhpeuh bang gen zel leng nipi a ding ahi deuh tangpi hi. Ahieh hang mi pawlkhatkhat in minih leh thum bangin ne lel uh hi. Hite pawl nek gukna lah hi lai, kithutuak bek a nek guk hilo zaw mah a khua nung/sawt lo in a phun ding ahun khop om lai hi. Kua hiam khat gilkiel dangtaakin a sih sangin, inn mun lomun, inn hoieh leh dik lo taka min hoieh nate neih ut kitam ta hi.

Siam sinna lamah enpak leng imi i sa khangno hong khang khia dingte pawl amaban ding uh lamlah theih ding tampi ki om ta hi. Ahieh hangin lam khat ah kua hiam khat kipan khia dek bang om leh a dal lam in pang thei zel hi. Amau tanaute/tate sanga lawhcing zaw ding bang lau mahmah uh hi. I mi i sa hong khantoh na ding ahieh nak leh kikhem lo zaw in kihilh zel leng, ka ci hi.

Tua ciangin nahihna khat peuhpeuhah kideidanna lian mahmah in ka thei hi. Khat vei ka meltheihthe uh khat Lamka ah pawl 10 selection exam a, bu

khat bekah ong cing lo hi. Aman lah pass hing ci tentan mawk hi. Tua ciang a examna paper ka et kik u leh a check lohpih uh na hi mawk hi. Hong check thak in selection ah hong cing sam hi. Kacih nopna ah amau a deuhte pawl lampi ci tengah pang in exam sak thei tho tho uh hi. Hite pawl kua hiam khat effort nelsiah sak pen thu dik hi thei ngeingei lo hi.

Biakna lamah en leng, mun dang/gamdang ah a sang zaw sin a va kuantehong tun ciang un Missionary hisa peuhin hong tung in, ei lak mahah sem dingin ong kisa zaw mah lai uh. Manpha tak a sem khia mi nih leh thum i gen ding a om lai in khenkhatten tagahte leh gentheite ading, biakinn bawl nang seminar neih nang cihte amau tanaute leh a sakhau ah guang zel uh hi.

Pasianin hong itna leh hong thupha piak dan kibang veve hi. Hawm zak zel leng, sa lam leh kha lamah tua sangin i san zawk ding ka um hi. Mi tampite kihuaiham lua deuhin ka thei hi. Mi belh theih ding ahieh kei leh belh tham cing dingin i om leh kuamah zotzot ngai lo in hong bel mai ding uh hi. I sung a dik lo i seelte pholh khia in, ei sung kihahsiang phot ni. Tua lo i gam i khua tuipaan kai behbeh lai ding hi.

ZBC GAMSUNG PHAKNA

-JK Cinpu, Pangzawl

March ni 7- April ni 14 sungin ZBC khua tuamtumamah Khri lungdamna thu hihl in ka vak kawikawi hi. Hun sawtpe pek pana ka lunggulhna tu tungin Topa in hong tangtutpih ahil manin ka lungdam mahmah hi. Mite in Jesu a itna hangin kei nangawn hong limbawlnate ka ngaihsut ciangin thupi sa in, hi pen Topa hoihna hang hi, ci in Topa min ka phat hi.

Mizogam ZBC Pawlpi pen a kum tawh tehin khangto sa ing. Pawlpi mite in thu duhin, limtakpi mah in thu ngai in ciamteh ut in mu ing. Pasion thu a duhna uh pen nuam ka sakna penpen ahi hi. Mizogam sungah ka muh danin beh leh phung ci leh nam a kan i tam nai loh man hi ding hiam? ZBC deih banga a khan theih loh. Pawlpi sunga mite bel hih a kante ahil manin amau tungah lungdamhuai ka sa mahmah hi.

Khawkvun hun sungin lungdamna tampi tak ka nei a, tuate sung panin Pasion thugen theihna dinga phalna hong pia ka pu Rev. Suan Khan Thang tungah ka lungdam hi. Ka paina khempeuhah zin hong dote, hun hong awnte leh LCC makaite tungah lungdam ing. Tua banah paina ding sum leh pai tawh hong huh Nu Cing Ngaih Ning Champhai Rs.60/- , Upa Dam Khan Go New Champhai in Rs.50/- leh Nu Lam Cing Ngur Rs.220/- hong pia uh ahil manin, Amaute leh pawlpi mite Topa in thupha hong piaksak ta hen.

Theih tuak thu pawlkhat :

Ei paua Pasion biak leh thu nget theih ahil lam theilo uh. A theih loh lam a theilo a om manin ZBC ah lut theilo hi. A sawt lo in hong thei ding a, tua ciangin

ZBC ah hong lut ding lam en kahil manin ngaklah mahmah ing.

Pau dang tawh 'zong' thu nget theih, gen theih cih se sangin 'zong' cih pen kihel lo in, nget theih thum theih ahil lam a theih loh uh poi sa ing. A theih ding uh ngaklah ing. Thumsak ciat ni.

Leitung a khantoh mah bangin a thak mah kideih a, a lui tawh a omomte pen 'mihai' kici hi.

Awlmawhte :

- 1) Tua lo in cih sangin tua banah cih hileh pau dan man hi zaw hi.
- 2) Chairman nu cih sangin Chairperson mi in ci ta hi.
- 3) Topa in hong piak theih manin cih sangin Topan hong piak manin cih ding hi. A hangin Pasionin hong pia theisa hi a, hong piak manin cih ding hi.
- 4) Sumpi ap ciangin kong ki ap hi cih sangin Jesu min in Topa tungah ap ding hi zaw hi.
- 5) Kikhop pai ciangin biakinn maia zun thak sangin inn pan a tha sa in kuan zaw leng hoih zaw ding hi.
- 6) Kikhop ciangin thungai a pai ding maw? A giaka pai ding? Ahil kei leh nau kem ding? cih tel zo keng.
- 7) Cik ciang pai ding cih sangin nong tam zo lai ding hiam cih kammal kilawm

zaw hi.

8) Labu bawl zawh ciangin gen ding hi nawn lo a, sak ding hi ta hi.

9) Pasion pen kihtak ding hi lo a, lauh ding hi.

10) Leitung it ding hi lo a, nin ding zong hilo hi.

11) Mi gilo om lo hi. Na kitheihpih loh man hi.

12) Hun ukte in hun pat ciangin hong pai nailote hong pai zel hen a cih zel uh amau zalo ahih manin akimanna om lo hi.

Khawk van hun sungin hih khialh sep khialhna ka neih khak leh pawlpi mite in Pasion minin nong maisak ding uh kong ngen hi.

DEIH TEEL IN (Thkna. 11:26)

I mai ah teel ding *Thupha* leh *Hamsia* hong kipia a, tua in a tawntung nuntakna leh gawtmun meikuang ahi hi. Pasion hai leh Dawimangpa hai a nih in teel kop theih loh ahih manin i deih zawk teel kuan hong kipia hi.

Thupha cih ciangin nuntak tawntungna a nei Pasion ahi hi. Dawimangpa thuzuite in hamsia thuk uh hi. A min mahmah panin zong khasiat huai a, dahna leh khitui luanna hi.

Tuni in nuntakna a nei Pasion teel ni. Ama sungah nuntakna om a, tua a nungta mite adingin khuavak ahi hi. A pua lam i et ciangin mite vuakna siduk leh liamma tawh kidim mah taleh a sungah nuntak tawntungna om hi. Tua ahih manin nuntakna a nei Jesu Khris teel in kisaktheihpih ni. I nungta ding hi.

SESIH BYF REPORT

-Secretary BYF, Sesih

1. Kum 2010 sungin keyboard project in kinei a, a leina ding member sungah upna kam ciam kibawl in Rs.10,000/- val bang kimu thei hi.

2. Ni 25-27 March, 2010 sungin keyboard leina dingin khuailui pan Zokhawthar kikal tui lakna ding pipe phum in member 40 val in sum Rs.9500/- ki thalawh hi.

3. Hiteng tawh a sum kicin nai lo ahih manin mun tuamtuam a omte tungah keyboard leina ding huhna sum hong kingen hi.

4. 2009-2010 Sesih BYF member sung pana HSLC passed te :-

1) Tg. Khup Za Lian s/o Khual Kap 2nd Division

2) Tg. Lian Sawm Dawng s/o Upa Dal Go Thang 3rd Division

Tuaphatna ngahte ni 4.4.2010 Sunday sunin khangno minin pahtawina hun kizang a, pahtawina Laipi leh pakkual kipia a, niangtui lim tak khumtak ki awm hi. Hih hunah Upa Do Nang leh Upa Zam Kap leh mi tuamtuam tung panin hanthotna kingai khia in, hun nuam takin kizang hi.

B.A. (Hindi) zo

Lia Man Lian Niang d/o Upa Zam Za Lang Champhai in Hindi B.A hoih takin hong zo ahih manin Taangko Editorial Board in kilungdampih hi. Mai lamah kalsuanna dingah zong Pa Pasionin thupha hong piaksak zel ta hen.

TAN 10 ZO TE KILUNG DAMPIH

Aizawl

Lia Rosy Ngaih Muan <i>d/o Sia Dal Go Nang</i>	Distinction (L-E, SS, Sc)
Lia Cing Sial Don <i>d/o Pa S.B Khup Pau</i>	Distinction (L-SS, Sc)
Tg. K. Benjamin <i>s/o Upa H Thawng Pau</i>	1st. Division (L-SS)
Lia Dim Ngaih Kim <i>d/o Rev. Dai Do Thang</i>	1st Division (L-Mz)
Tg. G. Za Muan <i>s/o Sia Vum Hau Thang</i>	1st Division

Champhai

Michael K.C. Thang <i>s/o Pa Ngul Khan Zam</i>	1st. Division
Lia Khup Ngaih Nem <i>d/o Upa Tual Suan Mang</i>	3rd Division

Sesih

Tg. Khup Za Lian <i>s/o Khual Kap</i>	2nd Division
Tg. Lian Sawm Dawng <i>s/o Upa Dal Go Thang</i>	3rd Division

Murlen

Tg. Thang Lun Lal <i>s/o Upa Gin Deih Piang</i>	1st. Division
Lia Cing Lawh Sawm Cing <i>s/o Upa Nang Ngaih Lian</i>	2nd. Division

Hnahlan

Tg. Thang Muan Lian <i>s/o Pa Pau Neih Lian</i>	2nd. Division
---	---------------

Hiangmun

Evelyn Lallawmi	3rd Division
Cristy Muang	3rd Division

Vaikhawtlang

Tg. Thang Khan Mang <i>s/o Chin Do Pau</i>	Div. kitheilo hi.
--	-------------------

Lai simna a lawhcinna ngahte Taangko Editorial Board in kilungdampih mahmah a, a sang zaw semsem tung thei dingin Topa Pasianin thupha hong piaksak ta hen. Ed.

TBC in ZBC hong pha

Ni 19 April, 2010 in Tedim Baptist Covention, Myanmar te in Champhai ZBC hong pha hi. Mi 59 pha in, Ordain Pastor hita leh Ordain loh Pastor bangzah hiam hong kihel ban uh ah, biakna Siamah bangzah hiam hong kihel uh hi. Sun nai 1 in Champhai biakinn ah holimna nuamtakin kizang hi. Mai lamah unau hihna kiphawk gige kawmin pan lak akisapna thute holim ahi hi. TBC tangthu tom leh ZBC Mizoram tangthu tom akipan pulakna hun zong kizang a, dotna leh dawnna hun zong kizang hi. A zan ciangin biakinn ah biakpiakna hun nuam takin kizang a, TBC lam panin mi 50 val in lapawl hong sa uh a, a siam dan uh kigen theilo hi. Tua banah solo zong om in thu kingettuahsakna hun zong zat ahi hi. TBC in ZBC pawlpi letsong hoih tak hong pia uh a, kilungdam hi.

KUATEN BANG GEN?

Ei pau a a pau leh, za ah sawmguk it, nampuan hong silh leh za ah sawmsagih it in, ZBC ah a pawl leh za ah za ka it hi.

-JK Cinpu, Pangzawl

Zomi a ka pian lungdam mahmah napi ing, Zomipihte Zomi ahih lam a theilo a om pen dahhuai sa pen ing.

-Upa Zam Kap, Sesih

Nuihna, maitaina, lungnopna, lamet bat loh thupha hangin, lungdam, ka lungdamin, lungdam mahmah hi ing.

-Rev. Dai Do

Nuvaw.w..! Pasianin i lillu tak tawh dil leng ong pia veve hi.

-Nu Cing Ngaih Man, Sesih

Ka phone bel Amotolic te hi in ka charging in a full ciang lut nawn tuan lo ai ve..

-Tg. Sian Min Thang, Mln.

Pasianin pen i mawhna leh i khelhna bangbangin hong thuk ding hi leh bel cihngaihna om vet lo hi mai ai ve..

-Pa Khup Lian, Mln.

Hih sang ka thau zawk lailai khak ding lau ing.

-Pa Nang Khaw Suan, Azl.

Pa Thang niang ding a khum thei bang penin hong bawlsak dih ning e..

-Pa Ma Muang, Cpi

Vanda kuang hoih dan pen saguh tawh akibawl, ci uh hi.

-Sia N.Cin Thang, Cpi

Pawlpi sunga nasep zaw i za khangkhang veh.

-Upa Sanga, Vtr.

Zum pan Sawm Lian leh Ma Muang, Kumpi nasem pan Suan Lian leh Khen

Pau, Local panin kei leh Pa K.Lang Kap badminton hong kidem dih nung ei..

-Upa T. Thang, Cpi

Numeite in na hoih thei uh hi veh aw.. kuang hoih nono lei ding thei sa ing.

-Rev.Suan

ZBYF Triennial khoppi hong tun kal ding ngaklah mahmah ta ung.

-Aizawl BYF te

Khangno ah ka lungsim khempeuh pia ka kisak leh economic politics in hong subuai zel.

-Pa Thang Lian Mung, Hln.

Pasian thusunga lungkimte leh a muang taktakte pen lungdam den in, nui den uh hi.

-Upa Hau Nang, Mln.

****Pa JK Cinpu, Pangzawl in ZBC gam sungah lungdamna thu hilhin vak kawikawi a, a paina pawlpi mite in lawppih mahmah uh hi. Pa JK Cinpu kipiakna thupi in etteh tak a, Pasianin thupha hong piaksak zel ta hen.**

ZBWS IN ANNKUANG LEI

ZBWS in Zuma zat ding vanda ankuang thak liklek, a hoih mahmah dozen 2 lei hi. Tu in mi aa kawmkawm kul nawn lo in ankuang zat ding kinei ta ahih manin kilungdam mahmah hi.

Music & Sports CD lei theih

2009 Music Festival cum Sports Video CD copy 1 Rs.150/- in Zumah lei theih ta hi. Copy tawm bek kibawl ahih manin tan loh khak baih ding hi. Phatuamngai a lei ding in hong kicial hi.